



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 29. Oliverii Galliarum Regis Legati oratio Spiræ declamata.

[urn:nbn:de:hbz:466:1-66615](#)

Sæcul. XVI.
A.C. 1542.

§. XXIX.

Oliverii Galliarum Regis Legati oratio Spiræ declamata.

*Sleid. l. 14.
p. 455.
Belc. comm.
l. 23. n. 8.*

Ad eadem hæc Comitia Galliarum Rex quosdam ablegabat Oratores, quos inter præcipuus erat Franciscus Oliverius, qui in quadam oratione satis prolixa die decima quarta Februarii hæc exposuit: *Benevolentiam sollicite captare haud volo, cum aliunde Regis mei animum in Germaniæ commoda propensissimum satis agnoscant omnes: Evidem Rex meus Legatos ad Solimanum e vestigio misit, sed eo consilio, ut bellum ab Hungaria propter vicinam Germaniam averteret, si posset; quo enim tempore Ratisbonæ Conventus agebatur, allatus fuit nuntius in Gallias, Turcam maximis cum copiis adventare in Hungariam; verum in Italia capti fuere Regis Oratores a Cæsareo milite, nec satis adhuc est compertum, an necati sint, an vero supervent sint: qua quidem re violatæ sunt non modo inducitur, sed & jus gentium.... Cum autem Rex accepisset, in his Comitiis deliberandum esse de subsidiis in Hungariam mittendis, & de reprimendo furore Turcio, non potuit non animi sui sensum in hac tanta re declarare: quam ob rem si forte prolixior sit sermo futurus, oro, patienter me audiant, nec enim potest brevius res omnis, quæ venit hanc in cauſam, comprehendendi.*

Pri-

Primo quidem censeo, potius meliorem ex-Sæcul. XVI.
spectandam occasionem, & differendum esse A.C. 1542.
bellum contra Turcas, quoad Orbis Chri-
stiani potentia, reconciliatis Principum ani-
mis amplificata sit, & majoribus firmata
præsidiis: nunc vero rationes explicandæ
sunt eorum, qui bellum suadent, ac hæc
ferme dicunt: non est ferendum, ut Turca
Hungariam fortissimum Germaniæ propu-
gnaculum occupet: non est dubitandum de
victoria, quia Turca summo scelere ad tan-
tam Imperii molem pervenit, neque etiam est
tam invictus, ut plerique putant. Hi ta-
men, qui id genus alia proferunt, non satis
perpendunt, quis sit Germaniæ status, ubi
omnia simultatibus & odiis flagrant: consi-
derandum vero est, Turcam esse hostem, quo
non sit aliis potentior, eumque posse semper
novum exercitum, copiasque recentes addu-
cere, cum tamen Germania crebris bellis sit
milite exhausta. Cum autem difficile sit
Germanis, tantum sustinere bellum, sive id
inferant, sive se defendant, hinc res ipsa fla-
gitat, ut civiles Germaniæ simultates atque
dissidia componantur: absque concordia enim
certe res Imperii non poterunt esse firmæ aut
diuturnæ: Romani evaserunt domini rerum
non tam viribus & armis, sed eo astu, quo
operam dabant, ut, quam gentem imperio
suo subjecere cogitabant, eam civili dissidio
& offensione dividerent, sic quoque Turcæ,
tenuis, obscura & barbara natio e Scythicæ

la-

Sæcul. XVI. latebris prorepens nostris crevit dissidiis.
A.C. 1542. Communis ergo libertatis vindicandæ causa
 rationes ineundæ sunt concordia, sequenda
 est doctrina, de qua Ratisbonæ convenit, &
 amice vivendum, nec ulla deinceps movenda
 jurgia, neque cogitandum, fore, ut Prin-
 cipibus vel cessantibus vel factione divisis ex-
 teræ nationes in hanc curam incumbant:
 hæc itaque est Regis mei mens & consilium,
 unde rogo, ut eam in partem optimam acci-
 piant, atque ab ipso firmam amicitiam &
 conjunctionem exspectent.

§. XXX.

*Legati oratio a congregatis Princi-
 pibus indignanter accepta.*

Belcar. n. 9. Attamen hic Gallici Oratoris sermo
Pallavic. l. 4. haud faventibus auribus fuit exce-
c. 17. n. 8. ptus; in hisce enim Comitiis potissimi
 erant Germani Principes, qui vix non
 omnes Caroli V. Cæsaris commoda se-
 dulo procurantes Gallis minus fave-
 bant: aliunde vero satis omnibus per-
 spectum erat, quod Francisci I. Gallia-
 rum Regis consilia eo collimarent, ut
 Hungaria Turcarum invasionibus diri-
 pienda relinqueretur, & sic Cæsar tuen-
 do Imperio intentus Italiæ negotia ur-
 gere, atque exercitum illuc ducere haud
 ultra posset. Insuper Vastius Marchio,
 postquam Ringonus & Fregosius crude-
 lem in modum a Præfidiario Papiensis
 urbis